

“Ishonch” teleradiokompaniyasi faoliyati bilan tanishildi



Viloyat hokimi Ulugʻbek Qosimov Muzrabot tumanidagi tashrifini yakunlab, viloyat “Ishonch” teleradiokompaniyasi faoliyati, mavjud sharoitlari bilan tanishdi hamda telekanal xodimlari va jurnalistlar bilan suhbatlashdi.

Xususiyl teleradiokanalning moddiy-texnika bazasi va mavjud imkoniyatlarini koʻzdan kechirgan viloyat rahbari hududlardagi muammolarni olib chiqib, asl holatni bilishda, ularni hal etilishida koʻmakchi boʻlayotgan mazkur jamoaga oʻz minnatdorchiligini bildirdi hamda kelgusida ham hamkorlikdagi ishlar davom ettirilishini taʼkidladi.

Shundan soʻng, viloyat rahbari Termiz shahrining “Shodlik” mahallasida ajrim yoqasiga kelib qolgan oilalarni yarashtirish komissiyasi yigʻilishida ishtirok etdi. Viloyat hokimi bilan suhbatdan soʻng 2 ta oila yarashtirildi. Masʼullarga ajrim yoqasidagi oilalar bilan ishlash, oilaviy qadriyatlarni mustahkamlash borasida amalga oshirilishi lozim boʻlgan chora-tadbirlar belgilab berildi.

[Surxondaryo viloyati hokimligi Matbuot xizmati](#)